

S1-61
1

二如亭群芳譜

卉譜小序

蓋聞窗草不除謂與自家生意一般而折柳必
諫豈爲是拘拘者哉古先哲人良有深意非直
爲一植之微也試觀勾萌之競發撫菁蔥之娛
目有不欣然快然如登春臺如遊華胥者乎感
柯條之憔悴觸生機之萎蘼有不戚然慨然如
疾痛乍櫻痼瘵在體者乎此何以故自家之生

意也既爲自家生意而忍任其摧敗不爲滋培
豈情也哉然則培之植之使鬯茂條達正以完
自家之生意也作卉譜

濟南王象晉盡臣甫題



二如亭群芳譜附之英

卉譜簡首

驗草

黃帝問於師曠曰欲知歲之苦樂善惡可得聞
乎師曠對曰歲欲豐甘草先生歲欲儉苦草先
生歲欲惡惡草先生歲欲旱旱草先生歲欲潦
潦草先生歲欲疫病草先生歲欲流流草先生
又蒹葭初生剝其小白花嘗之味甘主水蝕



主旱

卉之性

葶藶死于盛夏欵冬華于嚴冬草木之向陽生者性暖而解寒背陰生者性冷而解熱 橘柚周於北徙石榴鬱於東移鳩食桑椹而醉猶食薄荷而暈芎藭以久服而身暴亡黃蘗雜荆芥而食必死 草謂之華木謂之榮不榮而實謂之秀榮而不實謂之英

卉之似

蛇床似薜蕪薺萑似人參百部似鬪冬拔揆似
葶藶房葵似狼毒杜蘅似細辛 南方之草本
謂之南榮草之長如帶薜荔之生似帷唐詩云
草帶消寒翠雲霞生薜帷

卉之惡

楚詩云薺菜薺以盈室盈室謂滿朝也比讒佞
滿朝也薺蒺藜也菜菜菜也薺卷薺草拔心不

死三者皆惡草也

總論

凡花卉蔬果所產地土不同在北者則耐寒在
南者則喜暖故種植澆灌彼此殊功開花結實
先後亦異高山平地早晚不侔在北者移之南
多茂在南者移之北易變如橘生淮南移之北
則爲枳菁盛北土移之南則無根龍眼荔枝繁
於閩越榛棗瓜瓠盛于燕齊物不能違時人豈

能強物哉善植物者必如椰子所云順其天以
致其性而後壽且孳也斯得種植之法矣

題原

離離原上草一歲一枯榮野火燒不盡春風吹

又生東坡意思已刺地四句也白樂天

落落江堤簇暖煙雨餘江色遠相連香輪莫碾

青青破留與遊人一醉眠上鄭谷

芳草和煙暖更青閑門要路一時生年來簡點

人間事惟有春風不世情
羅士鄴

春草綿綿不可名
水邊原上亂抽榮
似嫌車馬

繁華處纔入城門便不生
劉原父

漸覺東皇意思勻
陳根初動夜來新
忽驚平地有輕綠
已葢六街無舊塵
莫爲榮枯吟野草
且憐愁醉扼香輪
詩人空怨王孫遠
徯目萋萋又

一春

程伯淳

二如亭群芳譜貞部目錄

第五冊

卉譜小序

卉譜首簡

驗草

卉之性

卉之似

卉之惡

目錄
總論

題咏

卉譜一十一種 附二種

著

芝

菖蒲

吉祥 附吉利草

商陸

以上靈草

紅花

茜草

藍

擘藍

以上染絳

首蓆

蒺藜

附沙苑蒺藜

以上蔓草

群芳譜卉譜一目錄

二如亭群芳譜卉部卷之一



濟南 王象晉 盡臣甫 纂輯

松江 陳繼儒 仲醇甫

虞山 毛鳳苞 子晉甫 仝較

寧波 姚元台 子雲甫

濟南 男王與朋 孫士良 會孫啟 邵 詮次

卉譜一

著神草也能知吉凶上蔡白龜祠傍生作叢高

五六尺多者五十莖生便條直秋後花生枝
端紅紫如菊花結實如艾實著滿百莖其下
神龜守之其上常有青雲覆之易曰聖人幽
贊於神明而生著又曰著之德圓而神天子
著長九尺諸侯七尺大夫五尺士三尺傳曰
天下和平王道得而著莖長丈其叢生滿百
今八十莖以上者已難得但得滿六十莖長
六尺者即可用以末大於本者爲主次蒿次

荆皆以月望浴之然則揲卦無著亦可以荆

蒿代

○實

苦酸平無毒益氣克肌聰耳明目久服不飢不死輕身前知

芝

瑞草也一名三秀一名菌蠢神農經所傳五

芝云赤者如珊瑚白者如截肪黑者如澤漆

青者如翠羽黃者如紫金氣和暢王者慈仁

則芝草生玉莖紫旬又云聖人休祥有五色

神芝含秀而吐榮論衡云芝草一年三花食

之令人眉壽有青雲芝

生名山青蓋三重上有雲氣食之壽千歲

能乘雲

龍仙芝

狀似飛龍食之長生

金蘭芝

生冬山陰金石之間

通天

上有水蓋飲

九曲芝

朱草九曲每曲三葉

火芝

葉赤莖青赤松

其水壽千歲

子所

月精芝

秋生山陽石上莖青上赤味辛苦盛以銅器十月服壽萬歲

夜光芝

生華陽洞山之陰有五色浮其上

螢火芝

生常良山藥似草實

如豆食一枚心中一孔明

白雲芝雲母芝

皆生

食七枚七孔明可夜書

名山陰白石上白雲覆

商山紫芝

四皓避秦入藍田採

之秋採食令人身輕

而食之共入商洛隱地肺山又

九光芝七明

轉淡入終南山漢祖召之不出